

Security Council,

Yaad kare he apan faisla namba 1261 (1999) 25th August 1999 la, 1265 (1999) 17 September 1999 la, 1296 (2000) 19th April 2000 la aur 1314 (2000) 11th August 2000 la, aur sange sange apan President aur uske statement jon u United Nations for Women's rights aur International Peace Day 8th March 2000 ke samachar waalan ke diis raha,

Yaad kare he Beijing Declaration and Platform for Action (A/52/231) ke commitment aur u commitment jon 23rd special session United Nations General Assembly, jiske naam raha "Women 2000: Gender Equality, Development and Peace for the 21st Century" (A/S - 23/10/Rev.1) ke baat, khaas kar ke ula baat jon aurat aur banduk la laRai ke baare me ra,

Khiyaal me rakkhe he u Charter of the United Nations ke khaas kaaran aur kaam, aur Security Council ke khaas jimmedaari jon duniya bhar ke shaanti aur surakcha kaayam kare ke he,

Gaor kare he ki janta, khaas kar ke aurat aur laRkan, sab se jaada banduk ke laRai me musibat uThae he, aur yehi long jaada karke refugees aur beghar hoe he, aur ii sab baat me aaj tak ekko bun se change nai aais he, aur Security Council i baat samjhe he ki iske asar shaanti aur samjhauta ke upper paRe he,

Dhyan me fir se lae he ki laRai khatam kare me aur shaanti banaae me aurat ke haat shaamil kare ke kitna jaruuri he aur jor dewe he ki shanti aur suraksha rakkhe ke khaatin u lon ke barabar aur pura saat bahut jaruuri he,

Dhayan me fir se laawe he ki international humanitarian aur human rights kaanun jon aurat aur laRki lon ke hak laRai ke taim aur baad me bacaaon kare he uske pura lagu kare ke jaruuri he,

Jor dewe he ulong sab ke jon jamiin me gaRaan bom ke nikaale aur uske baare me sab ke salah de, ulong ke aurat and laRki long ke khas jarurat ke dhiyaan me rakkhe ke caai,

Maane he ki suraksha banaae la kaam me aurat aur admi duno ke advise lena jaruuri he, aur i baat pe Windhoek Declaration aur Namibia Plan of Action on Mainstreaming a Gender Perspective in Multidimensional Peace Support Operations (S/2000/693) pe dheyaaon dewe he,

Maane he ki i bahut jaruuri he ki jab peacekeepers long ke train kara jae tab ulong ke aurat and laRkan ke bacaaon, khaas khiyaal aur rights pe dhiyaan dewe, aur ii baat Security Council ke president ke 8th March la press statement me ra,

Maane he ki aurat aur laRki ke uppar laRai ke effect ke samjhe se, ulong ke sahi tariika se bacaa kare se aur ulong ke shaanti aur suraksha la kaam me shaamil kare se duniya bhar me shaanti aur surasha lae me madat kari baRawa bhi dei,

Note kare he ki banduk ke laRai ke asar aurat aur laDki lon ke uppar jon paRe he, uske baare me information baTore ke jaruri he,

1. **Zor dewe he** ke jon jon des Security Council ke nicce aawe he, ulong ke laRai roke ke, sambhale ke aur khatam kare ke kaam me aurat long ke jada se jada faisla banaae la group me shaamil kare ke cahi, aur ii mango desh, gaao aur international level me raho,
2. **Hausla de he** Secretary General ke ki apan u strategic plan of action implement karo jon batawe he ki aurat long laRai khatam kare me aur shanti banaae me jada part cahi lo,
3. **BaRawa dewe he** Secretary General ke ki jada aurat long ke special representative ke rakam appoint kare aur baRa baRa post dewe, aur yehi baat le ke u sab member des long ke zor de ke ulong apan des ke aurat long ke naam Security Council ke dewe taaki ii aurat long ke appoint kare sake,
4. **Aage aur baRhawa** Secretary General ke dewe he ki u koshish kar ke jaada aurat long ke shaamil kare United Nations ke field based operations, jaise ke army pe najar rakhe la kaam, civilian police la kaam, human rights aur humanitarian personnel la kaam,
5. **Bataawe he** ki peacekeeping operation me aurat admi me baraabari lae maange he aur Secretary General ke bole he field operations me aur jaha jaha hoe sake wa baraabari lawo,
6. **Darkhawaast kare he** Secretary General ke ki member des long ke training ke u materials jon aurat ke bacaa, uske rights aur jarurat ke bare me he aur jon aurat long ke sab peacekeeping la kaam me rakkhe ke liye he, des long ke dewe, aur iske upar se, maange he sab member des long ii sab aur HIV/AIDS ke baare me apan des ke national training la program jon army aur police ke waaste he usme rakkhe,
7. **BaRaawa dewe he** member des ke ki aurat admi ke baraabari ke training ke kaam me apan voluntary financial, technical aur training kaise kare ke he ula support ke baRhao, aur sange u la bhi jon wahi rakam ke funds aur programme, United Nations Fund for Women aur United Nations Children's Fund ke rasta se aur United Nations High commission for Refugees aur aisan jitna bodies he sab me apan contribution baRhao,

8. **Bataawe he** ke sab jon isme shaamil he ke jab bhi shaanti ke baare me koi baat ciit karo tab aurat aur admi duno ke taraf se dheyaan do, aur dheyaan me bhi rahe (a) aurat aur laRki long ke khaas jarurat jab ulong ke beghar kar ke kahi aur pe fir se basaawa jae aur ii nawa jagha pe ulong ke pahale la rakam se rahe ke liye taiyaar kara jae, (b) u sab rasta jon des la aurat long ke shaanti ke kaam ke khaatin he aur laRai khatam kare ke apan jaat la rasta , aur sab shaanti ke banae ke kaam aur agreement me aurat ke rakhe; (c) sab rasta khaas kar ke des ke kanuun, vote la system, police aur court jon aurat aur laRki ke surakcha ke rakkhe aur ulon ke human rights ke respect kare,
9. **Bataawe he** u sab ke jon banduuk la laRai me shaamil hoe he ke international kanun jon aurat aur ladki long ke rights aur surakcha ke baare me he uske respect kare, khaas kar ke ula kasam jon Geneva Conventions 1949 ke niche awe he aur additional Protocols 1977 la, Refugee Convention 1951 la, Protocol 1967 la, Convention Security Council – 5 Press Release SC/6942 431 13th Meeting (pm) 31 October 2000 on the Elimination of Discrimination against Women 1979 la aur Optional Protocol thereto 25 May 2000 la, aur dheyan me rakkhe sab baat jon Rome Statute International Criminal Court tae karis ra,
10. **Bataawe he** u sab ke jon banduk la laRai me shaamil hoe he ke aurat aur laRki long ke uppar sab rakam ke dukh khaas kar ke rape aur sexual abuse, aur koi bhi rakam ke dukh se rakcha kare,
11. **Jor dewe** he ki sab des ke jimuari he ki jitna jan koi bhi gair kanuuni kaam insaniyat ke khilaaf me kare he, khaas kar ke jon aurat aur laRki ke uppar sexual crime laRai ke Taim kare he u long ke court kaarwaai kare aur koi bhi rakam se mujrim long ke chama nai kare, aur na koi aisan kanoon bhi nikaale,
12. **Bataawe he** u sab ke jon banduk la laRai me shaamil he ke refugee camps aur u jagha ke respect kare, aur aurat aur laRki long ke khaas jarurat ke dheyan me rakkhe jab koi refugee camp banae, aur apan resolution 1208 (1998) 19 November ke yaad kare he,
13. **Maang kare he** ulong se jon banduk la laRai ke khatam kare ke plen kare he ki aurat aur u admi long jon pahile laRat rahin aur jilon ke u long sahaara he ulong ke jarurat ke dheyan me rakkhe,
14. **Fir se confirm kare he** ki jaha kahi bhi Article 41 Charter United Nations la ke rasta liya jae u uske asar janta pe khaas kar ke aurat aur laRki long pe dheyan de ke khaatin taiyaar he jisse ki insaniyat pe dheyan deke chut de sake,
15. **Bataae he** ki Security Council Missions aurat admi ke baraabari ke baare me dheyaan hia tak dewe ke u taiyaar he ki des aur international Women's sanstha se baat cit bhi kari,

16. **Invite kare he Secretary General ke** ke banduk la laRai me aurat ke role shanti banae me aur shanti ke banae ke process me aur laRai khatam kare me ulon ke uppar asar jon paRe he uske baare me aur jaanc kare aur Secretary General ke bole he ke ii jaanc ke result Security Council ke dewe aur United Nations ke sab member des ke dewe
17. **Request kare he** Secretary General ke ki peacekeeping missions me aurat admi ke baraabari ke baare me aur jitna aurat laRki long ke baare me aur jon baat he u sab apan report me Security Council ke de,
18. **Decide kar le** ki ii sab baat ke Thaan le.